

ACTA DA SESIÓN ORDINARIA DA XUNTA DE GOBERNO LOCAL REALIZADA O DÍA 17 DE XUÑO DE 2025

PRESIDENTA:

D^a Diana Piñeiro Fernández

ASISTENTES:

D. Rubén Vázquez Pérez
D^a Patricia Esther Espiñeira Galán
D. Omar Gonzalo Lamela Vázquez
D. Raúl Varela Fraguio
D. Manuel Castro Uzal

INTERVENTORA MUNICIPAL:

D.^a Lucía Mata Rodríguez

SECRETARIA XERAL:

D.^a Pilar María Pastor Novo

No despacho de Alcaldía do Concello de Cambre (A Coruña), sendo as dez horas e quince minutos do día dezasete de xuño do ano dous mil vinte e cinco, reúnese a Xunta de Goberno Local, en primeira convocatoria, co obxecto de celebrar sesión ordinaria baixo a Presidencia da Sra. alcaldesa, D^a. Diana Piñeiro Fernández, e coa asistencia dos/as Sres./as concelleiros/as D. Rubén Vázquez Pérez, D^a Patricia Esther Espiñeira Galán, D. Omar Gonzalo Lamela Vázquez, D. Raúl Varela Fraguio e D. Manuel Castro Uzal.

Asiste á sesión a interventora municipal, D.^a Lucía Mata Rodríguez, e actúa como secretaria a secretaria xeral do Concello, D.^a Pilar María Pastor Novo, que dá fe do acto.

A Presidencia, tras comprobar nos termos expostos que se dá o quórum legalmente esixido polo artigo 133.1.b) do Regulamento orgánico municipal para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

1.- APROBACIÓN, SE PROCEDE, DO BORRADOR DA ACTA DA SESIÓN ORDINARIA DO DÍA 10 DE XUÑO DE 2025

De conformidade co preceptuado nos artigos 108.2 e 133.4 do ROM, a Presidencia pregunta se existe algunha obxección ou observación á acta da sesión ordinaria celebrada en data 10 de xuño de 2025, da que se entregou copia coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade.

Á vista do resultado da votación, declárase aprobada a acta da sesión ordinaria realizada en data 10 de xuño de 2025.

2.- BOLETÍNS E CORRESPONDENCIA

Non se deu conta de ningún/ha.

3.- INFORME DAS RESOLUCIÓNS DITADAS POLA ALCALDÍA E CONCELLERÍAS DELEGADAS DE ÁREA DENDE A ANTERIOR XUNTA DE GOBERNO LOCAL

A Presidencia dá conta á Xunta de Goberno Local das resolucións ditadas pola Alcaldía e concellerías delegadas de área dende o día 6 ao 12 de xuño de 2025, que comezan coa resolución do concelleiro delegado da Área de Economía, Facenda, Contratación, Réxime Interior e Desenvolvemento Económico núm. 549/2025 e rematan coa resolución da concelleira delegada da Área de Servizos Sociais, Cultura, Educación e Movemento Asociativo núm. 580/2025, segundo se relacionan a continuación:

Nº decreto	Data sinatura	Asunto
549/2025	06-06-2025	Nomear a RMBG auxiliar administrativa interina encadrada na escala de administración xeral, subescala auxiliar, pertencente ao subgrupo de clasificación profesional C2 e adscrita a Secretaría en substitución transitoria da titular do posto RLV e nomear a DGV auxiliar administrativa encadrada na escala de administración xeral, subescala auxiliar pertencente ao subgrupo de clasificación profesional C2 e adscrita a Secretaría en substitución transitoria da titular do posto MªdelMJS de conformidade co art. 23-2b) da Lei 2/2015 do emprego público de Galicia.
550/2025	06-06-2025	Convocatoria da sesión ordinaria da Xunta de Goberno Local do día 10 de xuño de 2025
551/2025	06-06-2025	Impoñer a RAC unha nova multa coercitiva polo importe de 1.000 € ao terse constatado o incumprimento parcial da resolución do concelleiro delegado da área de Urbanismo e Obras do día 13 de xaneiro de 2023, pola que se lle ordenou que podase as polas que sobresaen ao camiño público desde a parcela sita na Rocha, Anceis
552/2025	06-06-2025	Tomar coñecemento de que o cadáver de JLRT falecido o día 11 de febreiro de 2025, foi inhumado na urna perimetral sinalada co número 91, letra D no cemiterio municipal de Cambre, en data 12 de febreiro de 2025
553/2025	06-06-2025	Asignar o número 14, a edificación existente situada no lugar da Lapa, parroquia de Sª Mª de Vigo, Cambre (A Coruña)
554/2025	06-06-2025	Incoar o expediente de revisión de oficio do acto administrativo da contratación verbal da subministración de tracto sucesivo denominado subministración de combustible para calefacción prestado pola empresa Cetanoil Cecebre, S.L.
555/2025	06-06-2025	Conceder a renovación da tarxeta de estacionamento para persoas con discapacidade que pola súa discapacidade se lle recoñece ter dificultades graves de mobilidade que lle dificultan a utilización de transportes colectivos. Solicitante: ROS
556/2025	06-06-2025	Conceder a tarxeta de estacionamento para persoas con discapacidade que pola súa discapacidade se lle recoñece ter dificultades graves de mobilidade que lle dificultan a utilización de transportes colectivos. Solicitante: MCGP
557/2025	06-06-2025	Conceder a renovación da tarxeta de estacionamento para persoas con discapacidade que pola súa discapacidade se lle recoñece ter dificultades graves de mobilidade que lle dificultan a utilización de transportes colectivos. Solicitante: MPD

558/2025	06-06-2025	Conceder a tarxeta de estacionamento para persoas con discapacidade que pola súa discapacidade se lle recoñece ter dificultades graves de mobilidade que lle dificultan a utilización de transportes colectivos. Solicitante: RGA
559/2025	09-06-2025	Aprobar, con efectos do 1 de outubro de 2024, a relación de 6 altas e 3 baixas para participar no Programa das Escolas de Actividade Física e Saúde ano 2024 no mes de outubro
560/2025	09-06-2025	Contratar ao abeiro das bases reguladoras do Programa de axudas á contratación de persoal para a execución de obras e servizos básicos municipais dos concellos da provincia PEL-CONCELLOS 2025, aprobadas o día 16 de outubro de 2024 mediante Resolución núm. 2024/42106 da Presidencia da Deputación de A Coruña (BOP núm.200 do 16 de outubro de 2024) e convocatoria da subvención BOP núm.202, do 18 de outubro de 2024, como persoal laboral mediante un contrato de traballo temporal de mellora da ocupabilidade e a inserción laboral a tempo completo cunha duración de ata o día 31/12/2025, a SBP e SGB
561/2025	09-06-2025	Levantar, ao abeiro do informe emitido o 05.06.2025 polo auxiliar de Réxime Interior coa conformidade da xefa da Unidade de Réxime Interior os reparos formulados pola intervención municipal de data 26 de decembro de 2024, 13 de marzo de 2025, 21 de marzo de 2025 ás facturas emitidas por LI. Aprobar as facturas por importe de 3.284,24 euros
562/2025	09-06-2025	Nomear como persoal eventual a JALG para o desempeño do posto de traballo de asesor de Cultura, Deportes e Xuventude cos dereitos e deberes inherentes a este cargo, de conformidade cos artigos 104 da Lei 7/1985, reguladora das bases do réxime local e 201 da Lei 2/2015 do Emprego Público de Galicia
563/2025	10-06-2025	Conceder a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 2 membros, durante o tempo restante ata cumprirse o máximo de 18 meses establecido na ordenanza reguladora. Solicitante: MCFM
564/2025	10-06-2025	Contratar a IFA como docente da especialidade "Promoción e intervención socioeducativa con persoas con discapacidade", mediante un contrato de traballo temporal para a mellora da ocupabilidade e a inserción laboral ata a data de finalización do Obradorio de Emprego "PROXEDIS SOCIO Sanitario-Educativo II" 2024/2025, o día 31 de agosto de 2025
565/2025	10-06-2025	Conceder a licenza municipal solicitada para a execución dunha cala de 1 m ² na praza Miguel Ángel Blanco, parroquia do Temple, para o mantemento da subministración de gas canalizado. Solicitante: GNR GLP, SA
566/2025	10-06-2025	Conceder a licenza municipal solicitada para a instalación de dous postes de fibra co fin de proporcionar servizo de comunicacións electrónicas á vivenda unifamiliar sita no lugar de Aldea, parroquia de San Lourenzo de Meixigo. Solicitante: TdeE,SAU
567/2025	11-06-2025	Conceder a axuda económica de emerxencia social para alimentación básica e hixiene persoal, consistente en ata 6 vales

		nominativos A anuais por importe de 100 euros cada un deles, por tratarse dunha unidade familiar de 3 membros, durante o tempo restante ata cumprirse o máximo de 18 meses establecido na ordenanza reguladora. Solicitante: DFdeS
568/2025	11-06-2025	Conceder a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 3 membros, durante o tempo restante ata cumprirse o máximo de 18 meses establecido na ordenanza reguladora. Solicitante: LCCC
569/2025	12-06-2025	Convocar proceso para a provisión en comisión de servizos do posto de Xefe da Sección de Servizos deste Concello por encontrarse o seu titular na situación de incapacidade laboral transitoria. Aprobar as bases reguladoras desta convocatoria
570/2025	12-06-2025	Tomar coñecemento de que as cinzas de VGV falecida o día 17 de marzo de 2025 e de RSG falecido o día 14 de xuño de 2006 foron depositadas na urna central sinalada co número 4, letra B no cemiterio municipal de Cambre en data 2 de maio de 2025
571/2025	12-06-2025	Asignar o número 4 C á vivenda unifamiliar situada no lugar de San Lourenzo
572/2025	12-06-2025	Expedientes sancionadores de tráfico
573/2025	12-06-2025	Asignar os números 1-D, 1-E, 1-F, 1-G, 1-H, 1-I, 1-J, 1-K, 1-L e 1-M, ás vivendas unifamiliares situadas no lugar da Telva, parroquia de Sigrás, Cambre
574/2025	12-06-2025	Aprobar o reintegro dos fondos non xustificados da subvención concedida para a contratación de axentes de emprego e desenvolvemento local no exercicio 2020, a prol da Xunta de Galicia por importe de 3.087,35 euros
575/2025	12-06-2025	Impoñer a JFP e Hrdos de JCP unha multa coercitiva polo importe de 1.000 €, polo incumprimento da orde de demolición ditada mediante resolución do concelleiro delegado da Área de Urbanismo e Obras do día 15 de decembro de 2020, das obras realizadas no alpendre sito en Fonte da Vila, Santa María de Vigo
576/2025	12-06-2025	Conceder a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 3 membros, durante o tempo restante ata cumprirse o máximo de 18 meses establecido na ordenanza reguladora. Solicitante: SVM
577/2025	12-06-2025	Conceder a licenza para a modificación da vivenda unifamiliar no lugar da Rocha, parroquia de Anceis con licenza de obra concedida por resolución núm. 85/2025 do concelleiro delegado da Área de Urbanismo, Obras, Servizos, Transportes e Medio Ambiente de data 03 de febreiro de 2025. Solicitante: CVC
578/2025	12-06-2025	Levantar o reparo suspensivo formulado pola intervención municipal no informe de data 03 de xuño de 2025 á contratación de tres peóns enmarcados no programa de subvención para o fomento do emprego no medio rural "APROL Rural" 2025 asignados ao departamento de Obras e Servizos municipal, isto visto o informe

		emitido pola responsable da Axencia de Desenvolvemento Local o 05 de xuño de 2025. Dispoñer que continúe o procedemento
579/2025	12-06-2025	Denegar a axuda económica de emerxencia social para alimentación básica e hixiene persoal establecida no artigo 6, solicitada o 25/02/2025 xa que segundo o disposto no artigo 22.4, non está debidamente xustificada a situación de necesidade. Solicitante: YdeIVMC
580/2025	12-06-2025	Conceder a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 3 membros, durante o tempo restante ata cumprirse o máximo de 18 meses establecido na ordenanza reguladora. Solicitante: DIPA

4.- ASUNTOS SOBREVIDOS

Non se tratou ningún asunto sobrevido.

5.- ROGOS E PREGUNTAS

Non se formulou ningún/ningunha.

E non existindo máis asuntos dos que tratar, a Presidencia levanta a sesión, sendo as dez horas e dezaseis minutos do mencionado día, estendéndose para a debida constancia a presente acta, do que eu, secretaria xeral, dou fe.

Visto e prace

A presidenta

Diana Piñeiro Fernández

A secretaria xeral

Pilar María Pastor Novo